

居易堂集卷之十六

賦

主藥神賦（并序）

（十主藥神本見華嚴有吉祥旃檀林清淨光明名稱普聞蔽日光幢等

名）

昭陽單闕之歲暮商無射之月見龍眠墨蹟有主藥神圖爰仿而像之并作賦以系之其辭曰

兩儀既判三辰始明四序去來五德煙煴寰區永奠水土攸平陽和布而東作清商屆而西成于是羣動誕殖萬彙萌生紛總總其林立蠢蠕蠕而含靈人立三才之統伊維萬物之尊立綱陳紀條貫枝分教養浹于九垓仁壽瀾于八紘然而有治有亂者理數使然也有成有毀者物性必遷也亂與毀者伊之病也成與治者幾之安也不安其安而不病其病者藥之權也天地之病隕星蝕日吹霾雨血解飛墜沈山崩川竭是以聖王爲良醫修實德爲上藥邦國之病四維不張五經掃地學校荒蕪倉廩空虚是以聖佐爲良醫施王政爲上藥維人之病先感賡理尋入腎腸既潰債其筋髓遂沈痼於膏肓六賊訐譏二豎潛藏五藏癥結四體蹶張陰紐陽絡之既解三陽五會之不當詩書足以悅性而不能禦水

火之偏勝菽粟足以資生而不能翦蝨賊之無良苟無
百草之滋五石之齊〔去聲卽今劑字〕是卽盧醫處其禁方
俞跗察于明堂而曾不能救一病亦猶將士素習于兵
而不操寸鐵其何以尅敵而受降也哉天愍羣生爲產
庶藥以療多病易猶納鑰上下天地橫絕八極東抵蓬
萊南越炎海西過流沙北極窮髮莫不近取諸人遠取
諸物其草則返魂懷夢却睡忘憂吉雲良曜平露迎膠
〔音留〕金光食而天老玉紅醉而神遊又有鹿葱鹿菲龍
御龍芻豢首烏扇鳳葵蠡薺昌羊引年牽牛止痛復結
根而爲人厥名神衛芝掘地而如掌其實仙腴又有長
卿簡子杜若管仲因劉寄以得名思李姬而入夢庭生
堯韭于以駐顏海餘禹糧無勞播種其木則圓仁長生
之樹瀛海不饑之木或多影而萬年或無影而九櫨〔音
竹〕辟惡帶天女香禦凶稱夫帝座槐榆與橘柚爲弟兄
龍目與荔支爲臣僕通重譯而采華實四照而迷穀若
乃松肪爲飯柏實延年青囊蠲忿縹李成仙桂爲百藥
之長杏淮五穀之先巨桃華實萬歲大椿春秋八千攝
攝佩而通神措措服而華顏若是者靡靡離離逦逦鱗
鱗若太倉之粟積〔音漬〕如巨渤之波興莫不揚翠葉抗
紫莖發紅花秀朱榮緗葩縹蒂綺蕊絲英或含膏而垂

露或綴實而繁星或蟠枝而偃蓋或懸囊以明燈或夭
蟠枝格偃蹇連蜷若虬攫而龍升龍涎雞舌金顏艾納
辟諸邪通百靈酷烈淑郁雜還紛紜至於金石之倫蟲
魚之族取之有方用之不瀆于是荊州之貢三品麗水
之產五金鏐銀銑鏐鍤鍤鍤鍤鍤鍤鍤鍤鍤鍤鍤鍤
圓龜膺音芑于以完形續膏赤仄祛邪紫珍餌藍田之
玉屑餐丹水之玉膏璠璵瑾瑜璇璣璵璣璵璣璵璣
瘕亦禦氣而逍遙服玄真而命無極食紫英而精不搖
又有嘆血之砂凝霜之乳和白鳳之膏擣青麟之髓脩
音條雞身而鵲鳴鯉音六牛首而蛇尾同肫肫以解憂
似鱗鱗之禦火鹿蜀與虎鼻宜男天嬰偕倉庚療妬鞠
通含墨而愈聾脈望降星而度世鵲鵲已瘡灌灌止昧
采及丙丁之魚食同已亥之豕更有薺茗益壽醴醪導
和丹丘之葉青田之壺千日安眠六椀通靈惟僊設而
神醪音徒是固極山海之所滋合天地以爲羅浩汗散
漫錯惚紛紜玄幽奧蹟瑰怪華腴無以統之洩渤不殊
爰有明神是經是營之綱之紀判時令劃疆宇宜燥溼
別溫涼審疑似辨甘苦松入土而成苓橘過江而爲枳
蛇粟引蔓實非靡蕪烏喙經年名曰附子當歸移寸而
易性小草垂根而遠志或同用而異宜或一名而數指

或畏爍而樂濡或避金而就土既纍柔而分銖亦合彼而違此莫不辨晰豪釐精詳名理維神之靈是聖且神星精在天嶽降同塵或度世而現身則藥王藥上或應時而濟物則醫緩醫和壺公懸壺爲市涪翁並〔音傍〕涪以居桑傳鵠飲華綴蛇車杏成林而知董橘覆井而爲蘇徐登禁架削桑成脯公阿越方枯樹生黃若乃相隱華陽令求勾漏書著等身方懸肘後東臯北渚花藥扶疎金匱玉函絨題輻輳之才彈鋏而識人瘤秋夫鍼絮而瘥鬼候至如黃龍浴水玄鹿仙脰荒華消其蟻癢髮氣變其蛇癥馬嗣明之鍊石卯薊子訓之摩銅人女子知名口無二價龍神乞命方出千金若乃騎龍杖而歸來負鹿囊而行遠診知隔幕之顏精別垂帷之腕鄧先生棲五嶽之樓陶隱居築三層之館所謂吉祥光明名稱普聞亦主日幢亦主檀林者非歟伊千古之名賢實十神之化身也邃古以來俯仰萬禩藥以神爲主病與藥相比〔音避〕既疹疾之潛消亦人物之共劑投之輒應用之最精降及斯世貿亂神形人既冥頑藥亦不靈若陸海之不可以舟濟若石田之不可以耜芸如入狂泉之國而偕狂如飲盜泉之水而胥盜丹砂不能正其魄琥珀不能明其心汶汶墨墨嗤嗤攘攘〔音村入庚韻〕淪胥

以鋪哀此下民亂曰舉世大病兮病于人心人心不可
返兮吾憂世之陸沉變亂是非兮枉直糾紛讒人高張
兮賢士無名滄滄訾訾兮登徒貞莫知紀極兮日月重昏吾
廉叶鄰魯男爲亂兮願將大藥而錫茲使含生之徧嘗兮亦
哀告于神師兮願人心之返正兮迴末流以攻治平聲斬
舉世而療之俾人心之返正兮迴末流以攻治平聲斬
岷崙以爲砥石兮蕪鄧林以爲艾炙摧銅山以爲鑲針
兮挽銀河以爲湯液人心之如墨兮浣黑而爲白人心
之如鉤兮砥曲而爲直使中行不外啓其戎敵兮長樂
不內背其君恩豺聲之不刃其親兮牛哀之不食其兄
音馨八庚韻蘭不讒屈之身兮蹠不盜惠之名彼遇于
焉不瘖兮惟永可以不盲劉迺任永二人名神善吾請爰
叩帝廷帝曰俞哉往勝乃任神受命兮降靈瀛驅海嶽
兮鞭風霆割雲根兮杵星精和金膏兮粉玉英于是貪
泉變爲上池兮狂瀾變爲德水邪蒿變爲瑞軼兮腥薈
變爲香蕊蒲俎聿成益聰兮蘘荷化而益智兔絲胥成
瑤草兮松脂結爲威喜神醫洗髓兮神藥換心旣旋乾
而轉坤兮亦過化而存神梟焉反哺鳩亦延齡妬女之
蟒味伊蒲而革性懶婦之魚炤紡績而仍明鑿齒雕題
懷般般之義訓狐鴻豹擾足足之仁於是燭火熄日月

出紫色泯丹華植一人興四海謚維神之烈不再造于斯世乎於是爲歌以頌于神曰世平平〔音便平聲〕兮壽延綿兮藥之功兮神之貺兮神之貺兮億萬季兮

鷓鴣賦〔并序〕

鷓鴣鳴南方之鳥也飛必南翔集必南首其鳴曰但南不北故亦名懷南余聞而悲之君子曰可以人而不如鳥乎爰作鷓鴣賦其辭曰攬乾坤之維絡覩天地之氤氲南爲向明之位北爲宅幽之局南扇華風於赤縣北窮荒裔于玄冥維南爲陽維北爲陰所以司天有南正之官吹風有南呂之律易著南離之卦詩稱南陔之什舜唱歌于南薰文作樂于南籥〔叶〕向之則卉服而躋中華背之則伊川而爲戎翟此固天經之自然亦物性之不革南方有鳥名曰鷓鴣毓質朱垠誕靈炎隅日氣赤鳥之瑞星精斗牛之墟純羽類于玄豹異質等于天雞心同向日之葵翼比好風之箕軒翥而背北風戢翼而巢南枝名曰懷南亦稱越雉畏負霜而鷄衣循建月而鷓起聲似輓而鉤軻身非車而南指旣辟瘴而習隱亦享尊而神取〔本草〕神取鷓鴣每月一隻以饗至尊〔繫〕隨陽之介鳥實南紀之珍禽賦離方之稗質稟火德之炎精違窮髮之玄漠向赫曦之朱

明雖託類于羽族固殊志而異心乃者八紘絕維九陔
折柱天地橫流江河鼎沸鄧林之杞梓俱焚岷山之玉
石盡碎水絕安瀾之魚山鮮伏穴之獸（叶）元嘉歸燕
并無林木之巢咸安異鳥豈有殿楹之跼蛇虺出于洞
穴豺虎交於衢路于時橘既變枳荃亦爲茆軼不指佞
松不後凋鷓鴣離嚇于腐鼠海鷁避其潛蛟（海鷁能食蛟蛇）
不鵠不鳥非鷺非鳬又惡知鴻鵠之不爲燕雀而孔鸞
之不爲鴟梟惟茲神取（叶奏上聲）矢心無負稅衡浦之
蘭林憩湘潭之蕙畝（叶）余性之不移凜余心之可剖離
名一宿雉不再偶斯一節之可稱亦聲施于厥後豈如
同鳳舉之千尋覽德輝於九有飛必南翔集必南首翔
乎禮樂之林集乎冠裳之藪容與徘徊威遲翕習朱鳥
踞正南之位大鵬奮圖南之翼眇乎纖羽兼茲二德雖
爰居避風而不長乎炎裔雖鴻鴈隨陽而有時乎北適
疇焉介節比其貞心矢一心之不渝雖千古其長新既
九死而無悔亦百折而不傾江河之瀾旣狂而不能沈
淫于弱羽天帝之醉未醒而不能迷惑于微禽豈燕尾
之翦漢胡鷄首之屬秦若夫執珪越吟冷人楚音一桑
欸而激響一撫操而流聲舊鄉悲于疾首故國愴其傷
心至如木門節士廬居處子逃隱鄰封淚枯墓樹坐不

望乎淇園身不向乎典午若乃羈臣絕國遠嫁異域痛
皓首而未歸去紫臺而無極鴈書一繫愁雲蕭條鵲紗
再彈悲聲咽啞于是望南天而碎心遡南風而泣血伊
千古之徽烈實一心之所成維我心之匪石同百鍊之
精金曠有美而必合乃標德于斯禽慨余身之安棲縱
一羽之所逝總六合而遐觀窮八荒以橫睇四溟旣傾
雙丸亦墜悲臺造天恨水帶地氣與臺而寵從心同水
而凜沸恨六龍之無還悲五馬之空渡風蕭蕭而長鳴
雲慘慘而將暮腸一日而九迴魂一夕而九逝騁我目
兮窮荒渺余懷兮南裔于是探禹穴于會稽弔重華于
蒼梧帝子去兮不返神女降兮焉如翔千仞兮萬里瀛
三湘兮九疑乃使精衛填海子規望帝揮魯陽之戈迴
羲和之馭麗杲杲于中天去漫漫之長夜于時而暢但
南之芳聲畢懷南之洪緒是雖隴坻慧鳥能思上皇秦
繚貞禽不入異域方茲鷓鴣焉能爲匹遂爲文以賦之
因臨風而嘆息睠天末而長懷又誰能傳我以羽翼

張公賦〔并序〕

謝康樂作山居賦并自注以言其事此賦雖不敢妄擬古人

然亦當自注之鍊辭鍊意使事使辭一得之愚不欲自泯也

默全先生姓張氏名舜臣吳郡吳人也世以醫名先生

遂名天下生平著孝友大節重然諾好人倫確然有古之風焉乙巳歲夏先生年六十矣先生洗腆致酒以奉高堂之歡入山以語余曰君便以壽我余笑曰吾將與子以不朽矣六月之詩曰張仲孝友孔北海曰公者仁德之正號不必三事大夫也余重先生之孝友足以敦薄俗而還醇風爰表其世系疏其爵里作張公賦以贈之其辭曰

帝青陽之苗裔（張氏出自姬姓黃帝子少昊青陽氏）應列宿于天廚（二十八宿張爲天廚主觴客）占微垣之象緯（標族望于清河）流同源而漫衍（杖共本而扶疎系本出于皇姬厥初祖于弓正）（青陽氏第五子揮爲弓正始制弓矢子孫賜姓張氏）以世功而爲族實當官而受姓（既上絜于星精亦下同于河潤）（謂族望清河也）家世則杜陵茂陵（漢張安世杜陵人張敞茂陵人）維桑則方城武城（漢張皓子避地居方城因世家焉晉張華梁張弘榮唐張知謇俱范陽方城人陳張譏張正見後魏張彝張讜隋張齋俱南陽武城人）下邳上谷（唐張仁愿華州下邳人後魏張袞上谷沮陽人北齊張曜上谷昌平人）山陽濟陰（漢張儉山陽高平人張馴濟陰定陶人）臥龍東鹿（晉張軌據涼築臥龍城居之唐張興東鹿人）鳳州鴈門（宋張珣隴西鳳州人後魏張黎鴈門平原人）官閥則長壽廣武（隋張威封長壽縣公晉張華初封廣武縣侯）孝昌安樂（江左宋張永封孝昌縣侯晉涼張軌初封安樂鄉侯）定

遠定襄唐張公謹封定遠郡公南齊張冲封定襄侯平平陸陸後魏張
恂封平臯子張彝張讜俱封平陸侯或稱計相張蒼事漢高帝以列侯主計
稱計相或號恩侯漢宣帝以皇曾孫遣巫蠱之禍掖廷令張賀教養翊衛之
帝卽位追思賀恩欲封其塚爲恩德侯五王居首唐張柬之與崔玄暉敬暉
桓彥範袁恕已同倡義遷武氏誅二張反正中宗皆以功封王時稱五王柬之爲漢
陽郡王實首功焉萬戶封留漢高自擇齊三萬戶封張良良辭三萬戶自請
後留後日封萬戶位列侯平推廷尉漢張釋之爲廷尉曰廷尉天下之平也
一功都岸頭漢張次公以功封岸頭侯於是鼎峙盛河西晉五胡之
亂張氏遂霸河西國華江左張爲江左望族史臣曰有晉自宅淮海張氏無
乏賢良及宋齊之間雅道彌盛直與六朝相終始云忠孝著于周韓周
宣王時張仲爲卿士詩曰張仲孝友張良以五世相韓爲韓報仇秦始皇王詩書
傳于鄒魯自漢至宋張氏窮經爲儒宗者代有其人礪常山而作屏
張耳封常山王帶曲江而分土始興張氏後因官居于韶州曲江唐張
九齡其後也時稱九齡爲張曲江傳經而爲帝師漢安昌侯張禹授易論
語爲帝師作賦而稱王佐阮籍見張華鸛鷦賦而歎曰此王佐才也蟬
聯西鄂之郊漢張衡晉張輔後魏張耀北齊張保洛俱南陽西鄂人鸛
起東門之府漢張湛居中東門侯舍時號爲中東門君明多賜榮采
唐張知謩兄弟同貴門皆列榮戟里號鳴珂唐張嘉貞爲相弟嘉祐爲金吾
將軍一時鼎盛時號所居坊爲鳴珂里垂玉海之文苑南齊張融文集數
十卷自名爲玉海起金城之霸圖前涼張氏霸河西居金城焉赤松

辟穀〔張良辟穀願從赤松子遊〕黃石傳書〔張良受書圯上老人爲黃石公〕既五世而相韓亦九侯而佐漢〔漢張安世始封爲富平侯後〕

延壽勃臨放純奮甫吉凡九世嗣爵爲侯者垂二百年〔錄尚書于林宗中〕

後漢張禹爲太傅錄尚書事居禁中〔釋文〕言于講殿〔梁武帝于文德殿〕

釋乾坤文〔言張譏謔審循環辭令溫雄帝甚異之賜之羣襦云表卿稽古之功〕亦

龍駒之賦文〔梁武帝時河南國獻赤龍駒能拜伏善舞帝令張率爲賦〕

白馬生之強諫〔張湛常乘白馬見光武臨朝有愴容輒諫後帝每見湛輒〕

言白馬生且復諫矣〔規鳳展而作箴〕宋張知白獻鳳展箴〔壁龍圖〕

而濡翰〔宋張去華作元元論真宗命寫其論于龍圖閣之四壁〕渾天七

政璇機〔漢張衡盡璇機之正作渾天之儀〕報國千秋金鑑〔張九齡〕

于玄宗千秋節上事鑒十章號千秋金鑑〔特贊與二公絕席〕後漢張禹

長者與萬石同傳〔張叔名歐〕若乃家雄河內〔漢張立魏張範〕

後魏張蒲北齊張子信俱河內人〔洲接河濱〕江左宋張興世居臨沔水當其

門前忽生一洲及興世爲方伯而洲遂十餘頃〔西州名〕張興世酒泉燉煌人

爲漢名臣子芝少持高操名重一時文爲儒宗武爲將表魏張恭初爲燉煌功曹後

拜戊巳校尉子就父子著稱西州後魏張湛亦酒泉燉煌人爲河西著姓宗人張通

博通經史有四子徹麟儉鳳皆傳家學知名于時〔南陽冠軍〕南齊張敬兒

南陽冠軍人蓮勺〔初錄〕軼徙〔漢張禹本軼人徒蓮勺〕酒泉不隕家

聲幽州則兄弟兩公〔唐張知謩幽州方城人封范陽郡公弟知泰封漁陽郡公〕猗氏則祖孫三相〔張嘉貞蒲州猗氏人相立宗子延賞相德宗〕

延賞子弘靖相憲宗祖孫連相三朝河間則扶杖殿中隋文帝素欽河
間張羨德望朝見敕令勿拜扶杖升殿博望則乘槎天上漢武帝令博
望侯張騫窮河源騫得織女支機石而還始知直達明河也稽古則敕賜
君齊禱注見釋文言句從從駕則遮風步障北齊張景仁有寵于後主
恩遇日隆景仁多疾或從車駕道宿每送步障爲遮風寒賦已成于待詔
張率爲待詔賦梁武帝嗟賞謂勝相如枚舉詩復詠其朝天唐張建封爲
節度使入朝賦朝天行以獻居舊鄉而列戟唐故事官三品列戟京師第
門張介然請列戟故里以榮鄉人玄宗從之本鄉列戟自介然始在陋巷而
同軒唐張志和隱居苕霅觀察使使大其門號回軒巷嘗勒銘於劍閣
晉張載乃圖像于凌煙唐張巡張萬福俱圖形凌煙閣祕書則
二期黃卷江左故事祕書郎爲甲族起家之選居職不數十日便遷張繼授
此職固求久任偏觀內閣書籍三載方遷秩學士則萬選青錢唐張鷟
文辭猶青銅錢萬選萬中時號鷟爲青錢學士江東人士之冠宋張洎
京洛孝廉之船晉張憑善清言京尹劉真常遣人持教覓張孝廉船開
善寺之松枝可爲後事陳後主幸鍾山開善寺坐松林下敕張譏義索
塵尾未至後主敕取松枝手授譏曰可代塵尾因顧羣臣曰此卽張譏後事芳
林苑之楊柳似其當年劉峻之爲益州獻蜀柳數株枝條甚長狀若絲
縷植于芳林苑齊武帝賞玩咨嗟曰此楊柳風流可愛似張緒當年結襪廷
中張釋之爲廷尉王生者善爲黃老言嘗召居廷中公卿盡會顧謂釋之曰吾襪
解爲我結襪釋之跪而結之旣已人或讓王生奈何廷辱張廷尉王生曰吾老且賤

自度終無益于張廷尉廷尉今天下名臣吾故聊使結襪以重之埋輪都下
〔漢順帝時遣八使徇行風俗張綱獨埋其車輪于洛陽都亭曰豺狼當道安問狐
狸遂彈劾大將軍梁冀書奏京師震悚〕顧雍致數于冠羣〔吳張溫卓爍
冠羣顧雍數曰溫當今無輩〕徐陵讓位于僕射〔張種識量宏博時以爲
宰相之器僕射徐陵抗表讓位〕檀兩國而稱公〔宋張昭封舒國公鄧國公
張耆封鄧國公徐國公張士遜封鄧國公鄧國公〕都九州而爲伯〔叶霸
唐張萬福食祿七十年凡蒞九州〕朝無西顧而衣繡書行〔張旣馮翊
高陵人魏武卽用爲雍州刺史曰還卿本州可謂衣繡書行後旣悉平河西羌胡文
帝詔褒之曰使吾常無西顧之念〕爵分南陽而彈琴清暇〔唐張鎰封
南陽郡公嗜酒鼓琴自娛〕京兆之走馬章臺〔張敞爲京兆尹常走馬章
臺以便面拊馬〕陽都之鬪雞翁舍〔漢宣帝追念張賀舊恩封陽都哀侯
爲自處置其里居塚西鬪雞翁舍南上少時所嘗遊處也〕堂有千歲之號〔
宋張士遜三入相神宗嘗飛白書千歲字賜之士遜因建千歲堂〕家有萬石
之名〔唐宰相張文瓘有四子父子皆至三品時稱萬石張家〕載書則三
十乘〔晉司空張華家多藏書嘗移居載書三十乘〕賜第則七百楹〔宋
張耆年十一卽給事真宗藩邸及帝卽位賜第七百楹〕書充贏于祕府〔唐
張嘉貞累世富貴所聚書書侔於祕府〕堂經始于靈鈞〔涼張茂築靈鈞
臺〕比鄰籬落而驚焉語〔江左張鏡少與光祿大夫顏延之鄰居顏談義飲
酒喧呼不絕而鏡靜默無言聲後鏡與客談延之從籬邊聞之取胡牀坐聽辭義清
玄延之心服謂客曰彼有人焉繇是居平不復酣叫〕重譯梯航而購文〔

唐張鷟文名重天下新羅日本使至必出金購鷟文吳會之五龍騰躍張茂度子演鏡永辨岱俱知名時謂之張氏五龍吳郡人中朝之一鷟飛鳴張鷟早慧兒時見一紫大鳥五色成文止其庭大父曰吾聞五色赤文鳳也紫文鷟鷟也若壯殆以文章瑞朝廷乎因名之曰鷟據涼州而倚柱涼張氏時有謠云秦川中血沒腕惟有涼州倚柱觀稱江東之步兵晉張翰一歲連典四州江左張冲一歲之中授四州刺史二世世並降萬乘宋武帝幸張永宅梁武帝幸張稷宅三世並降萬乘時人榮之湘東號百六之公梁元帝爲湘東王策張綰百事綰對闕其六因號爲百六公河南領十二之郡隋張須陁領河南十二郡討捕黜陟大使盛稱蓋代貴本連天徐陵詩張星木在天河上繇來張姓本連天此誠上應星精之炳耀下同河潤之波瀾者也所以忠節則安太子于俄頃漢高欲易太子張良定策招四皓出而太子得不廢翊曾孫於旣危注見恩侯句代晉恭而飲酖宋武篡晉以藥酒一罌付張禕令酖晉恭帝禕受命而嘆曰酖君而求生不如死也因自飲而死殉梁室之將頽梁張彪義不事陳陳文帝致之遂自殺睢陽齒同城碎陽破賊將尹子奇問張巡曰聞公督戰嚼齒皆碎何至是巡曰吾氣吞逆賊顧力屈耳子奇怒以刀抉其口齒存者三四耳太原柵與雲飛後唐張敬達堅守太原以拒晉祖石敬瑭敬瑭爲長圍連柵以攻之攻具將成輒有大風雨暴雨而壞之不屈穹廬同蘇武之持節博望侯張鷟使月氏徑匈奴中單于留之十餘歲鷟持漢節不失堅嬰孤壘似臧洪之被圍南齊末

張冲爲舒州刺史堅守郢城梁武起兵手書喻意又遣辯士說之冲確然不回堅守至死時論比之臧洪之被圍也「孝行則泣遺劍」後漢張武生不識父常持父遺劍至亡處祭醊哭泣「哀故扇」江左張敷生而母亡數歲而知之便深感慕求母遺物而散施已盡惟得一扇乃緘錄之每至感恩輒開緘流涕「奉經」帕而流連「張譏幼喪母及有識求得母一錯綵經帕每歲時輒對帕哽咽」聞箏聲而悽惋「梁張稷兄瑋嘗彈箏稷以母劉氏先善此伎每聞瑋彈便悲感頓絕終身不復聽之州里謂之淳孝」植墓之柳杖生枝「宋張愈居母憂至孝植所持柳杖於室忽生枝葉」入夢之金鏡刮眼「後魏張元年十六祖喪明讀藥師經然燈祈請以期復明七日夜夢一老翁以金鏡刮其祖目後三日祖目果明」報讎之子頻聞「梁張景仁手斬父讎首以祭父墓唐張琬年十一歲與兄瑋手殺父仇宋范陽張藏英于殺父仇燕薊間稱爲報仇張孝子」割股之奇屢見「宋張奎割股肉和藥以療母疾張琰幼篤孝父病割股肉以療張伯威剔兩臂肉以療祖母疾」白雀馴於階除紫芝之產於庭院「張九齡居母喪毀不勝哀有紫芝產座側白雀巢家樹」治績則一穗兩岐之麥「漢張堪爲漁陽太守有異政民歌之曰桑無附枝麥穗兩岐張君爲政樂不可支治行爲第一」異畝同穎之禾「梁張纘爲湘州刺史搖蠻向化益陽縣人作田皆異畝同穎人異之」武陽之遺袍不拾「唐張允濟爲武陽令有異政行人夜發遺袍道中行十餘里乃寤人曰吾境未嘗拾遺因還取之如言而得」欽賢之繪像爲師「宋張田知廣州作欽賢堂繪古昔刺史之清廉者之像于壁日夕師拜之蘇軾嘗比田于古之廉吏」奠青郊而祠社「唐

張文琮爲建州刺史立祠稷場于東郊禱白崖而遂雩宋張士遜爲射洪令治績第一以旱禱雨白崖山雨遂霑足粟賑饑于上廩宋張傳知楚州歲饑便宜發上倉粟賑貸事訖奏所活萬計身捍水于浮堤宋張觀知相州河決浮梁武請避北原觀不從躬率卒徒築堤民遂無患兗州政化化食虎六駁周隋時兗州境有虎害及張華原爲刺史州東甌山忽有六駁食虎咸以爲政化所至穀城清風植柳千株宋張唐英爲穀城令舊縣圃歲賦薑種與民取息銓曹指爲富縣唐英至一空其圃植千株柳于其中聞者歎美其清風儒術則尼山入夢爰生孔孫元張孔孫父夢謁孔子廟得賜佳果已而孔孫生遂名之稚齒通經遂稱曾子後漢張霸七歲通經鄉人號爲張曾子鄢陵爲梁丘之宗後漢張興賴川鄢陵人習梁丘易爲梁丘家宗弟子嘗萬人學舍實周官之比宋張環請倣周官之法立齋舍八十二區學官之盛近代無比講易而坐虎虎皮宋儒張載談經而稱塵尾陳後主造玉柄塵尾新成親執之曰當今雖復多士如林至于堪執此者獨張譏耳卽手賜譏弟子雲從萬人注見上門徒霧市五里後漢張楷字公超通春秋尙書門徒賓客父黨宿儒問業者車馬填街徒從無所止黃門貴戚爲起廬舍于路次時稱公超之市楷又能作五里霧定麟經于一書張霸減定嚴氏春秋爲二十萬言時名張氏學粲鴻寶于萬紙梁張纘著鴻寶一百卷延之數曰彼有人焉注見比鄰句少文嘗言吾道東矣張敷與高士宗少文談繫象少文時屈因數曰吾道東矣文章則敷七命之金華晉張協作七命曰有

晉之融皇風也金華啓徵詠四愁之玉案〔張衡作四愁詩云美人贈我錦繡段何以報之青玉案〕擬兩都而作京〔張衡擬班固兩都賦作二京賦〕續二征而染翰〔梁張纘爲湘州刺史作南征賦蓋謂其繼班彪北征曹昭東征潘岳西征而作此也〕溟渤超于玄虛〔張融作海賦顧愷之曰此賦實超玄虛謂勝木華海賦也〕鷦鷯稱于大阮〔注見王佐句〕南宮獻翠微之篇〔唐張昌齡冀州南宮人獻翠微宮頌〕曲江題白羽之扇〔玄宗以白羽扇賜張九齡九齡遂作白羽扇賦〕濛汜則司隸傳車〔晉張載作濛汜賦司隸校尉傅玄見而嗟賞以車迎之言談盡曰〕蟲籀則天子同硯〔北齊張景仁善篆隸兒童時詣國學摹石經許子華曰張郎風骨必當通貴不但官爵顯達必當與天子同筆硯傳衣履後如所言自倉頡以來八體取進一人而已〕原芝之一晷千言〔宋張孝祥讀書一過目不忘下筆頃刻數千言因芝生太廟獻文田原芝〕草聖之墨池衣練〔後漢張芝字伯英尤精草書家之衣帛必書而後練臨池學書池水爲之墨韋仲將謂之草聖〕袁粲笑其遺音〔袁粲言于宋明帝曰臣觀張緒有正始遺音〕孔融寶其書篆〔魏張紘尊楷篆書孔融得其書甚寶之〕至如應鷗若之霸諺〔魏張軌時謠曰涼州鷗若寇賊消鷗若翩翩怖殺人〕立鷗尾之奇功〔宋明帝時南郡王義宣反相持久不決屯兵鷗尾張興世建策破之〕嘗一日而九捷〔宋張玘〕亦合轍而分鑣〔宋張威創法爲撒星陣分合不常聞鼓則合聞金則散常以步制騎焉〕戎旂標淨天之鷗〔張威臨陣酣戰兩眼皆赤時號爲張鷗眼威因立淨天鷗旗以自表〕雄圖北奮翅